



Gradska izborna komisija

Broj: 01-45-1-23 /22 -1
Lukavac, 07.06 .2022.godine

Na osnovu člana 1.2a, stav 5 i 2.13. Izbornog Zakona Bosne i Hercegovine ("Službeni glasnik BiH" broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06 i 32/07, 32/10, 18/13 i 7/14, 31/16 i 41/20), člana 15. Poslovnika o radu OIK-e Lukavac broj.01-02-591-14/16 od 22.06.2016.godin, a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sl. glasnik Grada Lukavac“, broj. 1/22), i i člana 2. Uputstva o načinu rada i izvještavanja izborne komisije osnovne izborne jedinice u BiH broj: 05-1-02-2-628-1/16 od 26.05.2016.godine, Gradska izborna Komisija Lukavac na 4. sjednici održanoj dana 03.06..2022.godine, donijela je

O D L U K U

raspodjeli izbornih aktivnosti između članova GIK-a za Opće Izbore 2022.godine

Član 1.

U cilju efikasnog i blagovremenog obavljanja svih poslova iznadležnosti GIK-a utvrđenih Izbornim zakonom BiH, ovom odlukom se vrši raspodjela zaduženja između članova GIK-a odnosno određuju nosioci organizacije najznačajnijih izbornih aktivnosti koje predstoje u organizaciji i provođenju Općih izbora 2022.godine.

Član 2.

Članica GIK-a **Mujkanović Nina** je nosilac organizacije aktivnosti koje za GIK-u, proizilaze iz Pravilnika o upotrebi i izradi Izvoda iz Centralnog biračkog spiska-prečišćeni tekst („Službeni glasnik BiH“ broj 27/22), Promjene biračke opcije i stim u vezi koordiniranje sa Centrom za birački spisak, Izrada Izvoda iz centralnog birčkog spiska za lica koja će u skladu sa članom 19. i 20. Pravilnika na Općim izborim 2022. godine, glasati putem mobilnog tima, kao i izvoda za glasanje putem posebnog mobilnog tima.

Naprijed navedena aktivnost podrazumijeva upućivanje poziva ustanovama i građanima za dostavu podataka o licima koja trebaju glasati putem mobilnog tima, evidentiranje i sortiranje prispjelih zahtjeva, u saradnji sa CBS-om provjera da li su lica upisana u centralni birački spisak, uspostavljanje kontakta sa navedenim licima radi uzimanja izjave o njihovom opredjeljenju da glasaju putem mobilnog tima, organizacija posjete na terenu pomenutim licima, u saradnji sa CBS-om, unos podataka o navedenim licima u odgovarajuću aplikaciju zajedno sa medicinskom dokumentacijom, dostava predloženog izvoda CIK-u na odobravanje, izrada plana rada mobilnog tima ma terenu, obavijest političkim subjektima o planu rada mobilnog tima, evidentiranje zahtjeva drugih OIK-a vezano za lica koja su upisana u izvod iz CBS-a za Grad Lukavac, a nalaze se u zatvoru ili drugoj ustanovi van granica Grada Lukavac, obilježavanje u CBS-u lica koja glasaju putem mobilnog tima, komunikacija sa CIK.-om i ostalim zainteresovanim licima vezano za realizaciju navedene aktivnosti,

Član 3.

Član komisije **Marijo Tunjić** je nosilac organizacije prijema osjetljivog i neosjetljivog izbornog materijala, originalnih obrazaca, vreća sa izbornim materijalom i glasačkih kutija sa svih biračkih mjesta nakon zatvaranja biračkih mjesta na Općim izborima 2022.godine, kao i pripremu izbornog materijala i originalnih obrazaca sa biračkih mjesta za dostavu CIK-u BiH.

Naprijed navedena aktivnost podrazumijeva obezbjeđenje prostora za skladištenje izbornog materijala, komunikaciju sa JU Centar za kulturu vezano za skladišni prostor kao i CIK-om BiH vezano za prijem i otpremu izbornog materijala, organizaciju osoblja za istovar i utovar, kontrola zaprimljenog materijala i evidentiranje nedostajućeg materijala te komunikacija s CIK-om po tom pitanju, sortiranje zaprimljenog materijala po redoslijedu biračkih mjesta od 1 do 47 i provjeru da li setovi zaprimljenog materijala sadrže sve potrebno kao i potrebne postere za biračka mjesta te evidentirane navedenog u zapisnike o radu biračkih odbora. Takođe ova aktivnost podrazumijeva zaprimanje originalnih obrazaca sa biračkih mjesta kao i provjeru da li isti sadržavaju sve potrebne stranice, organizaciju prijema vreća sa izbornim materijalom uz provjeru da li upisani pečati na vrećama odgovaraju broju upisanog pečata u originalnom obrascu i da li je izborni materijal ispravno zapakovan te ako nije osigurati da to birački odbor ispravi, sortiranje zaprimljenog izbrnog materijala- vreća sa biračkih mjesta prema redoslijedu biračkih mjesta od 1 do 47, upisivanje brojeva pečata u odgovarajući obrazac za otpremu redoslijedom kojim su biračka mjesta utvrđena, blagovremena dostava originalnih obrazaca u sjedište GIK-a. Organizacija pripreme originalnih obrazaca sa biračkih mjesta za predaju na propisani način CIK-u BiH.

Član 4.

Član Komisije Samir Subašić je nosilac aktivnosti objedinjavanja izbornih rezultata glasanja koje će se provesti na teritoriji osnovne izborne jedinice 047A Lukavac odnosno organizacije unosa izbornih rezultata sa obrazaca dostavljenih od strane biračkih odbora u odgovarajuću JIIS aplikaciju, izlaganje preliminarnih rezultata izbora na području Grada Lukavac i aktivnosti unosa podataka o imenovanim članovima biračkih odbora, njihovim izmjenama i angažovanju u odgovarajuću aplikaciju s ciljem izrade isplatnog spiska, štampanje sertifikata o završenoj obuci, elektronska obrada podnesenih prigovora i biračkih spiskova za glasanje putem mobilnog tima

Ova aktivnost podrazumijeva provjeru pravilnosti popunjavanja dostavljenih obrazaca, organizaciju unosa sa zelenih kopija utvrđenih izbornih rezultata sa svih redovnih biračkih mjesta, za sve nivoe za koje se provode izbori u rokovima koje odredi CIK u JIIS BiH aplikaciju, a u okviru toga staranje o imenovanju glavnog kontrolora unosa izbornih rezultata, supervizora i administrator unosa istih, utvrđivanje prijedloga tima za unos utvrđenih izbornih rezultata, organizacija testnog unosa izbornih rezultata, kontrola izvršenog unosa putem aplikacije JIIS BiH u skladu sa članom 67 i 60. Pravilnik o provođenju izbora, a po potrebi upućivanje zahtjeva CIK-u BiH za otvaranje vreća radi pravilnog objedinjavanja izbornih rezultata, po potrebi organizacija ponovog brojanja po odobrenju CIK-a, komunikacija sa CIK-om u provođenju ove aktivnosti te prezentovanje javnosti preliminarnih rezultata.

Član 5.

Član komisije Emir Kasumović je nosilac aktivnosti akreditacije izbornih promatrača, određivanje biračkih mjesta kao i Izlaganja Privremenog biračkog spiska na uvid i sve ostale aktivnosti vezano za izlaganje PBS-a.

Ova aktivnost podrazumijeva upućivanje poziva ovjerenim političkim subjektima za dostavu prijedloga za akreditaciju promatrača, provjera dostavljenih prijedloga na način da li su dostavljeni u skladu sa Uputstvom, da li su predložene osobe već imenovane za članove biračkih odbora, pripremu prijedloga Odluka kojim se odobrava akreditovanje, fizička izrada akreditacija, predaja političkim subjektima odgovarajuće dokumentacije i akreditacija, izrada liste akreditovanih promatrača, te na dan izbora koordinacija sa predsjednicima biračkih odbora vezano za nesporazume oko izdatih akreditacija. Aktivnost određivanja biračkih mjesta podrazumijeva analizu postojećeg rasporeda birača po biračkim mjestima s predhodnih izbora s ciljem utvrđivanja potrebe formiranja novih biračkih mjesta, pripremu prijedloga za pripajanje ili odpajanje raspoređenih adresa sa biračkih mjesta s ciljem stvaranja optimalnog odnosno propisanog broja birača na biračkom mjestu, dostavljanje odluka o formiranju biračkih mjesta CIK-u te koordinacija sa CBS-om u provođenju ove aktivnosti, upoznavanje javnosti o lokacijama biračkih mjesta u propisanim rokovima odluke s obzirom na broj birača

Član 6.

Predsjednica GIK-a **Izeta Bajrić** je nosilac aktivnosti zaštite izbornog prava odnosno postupanje po prigovorima podnesenim GIK-u zbog povrede izbornog prava i izradu prijedloga odluke po prigovoru u skladu sa Uputstvom o procedurama za rješavanje po prigovorima i žalbama podnesenim izbornim komisijama („Službeni glasnik BiH“, broj 27/22), u saradnji sa CBS-om organizacija unosa podataka o podnesenim prigovorima u odgovarajuću aplikaciju i dostava istih CIK-u BiH. Nosilac je aktivnosti organizacije obuke članova biračkog odbora, organizacije sjednica GIK-a i obavještanja javnosti o svim informacijama važnim za izborni proces.

Član 7.

Imenovanje i obuka članova biračkih odbora kao jedna od najznačajnijih aktivnosti u organizaciji i provođenju Općih izbora 2022. godine je obaveza svih članova GIK-a na način da će se izvršiti raspodjela biračkih odbora među članovima GIK-a za čiju obuku kao i sve dalje aktivnosti vezano za biračke odbore će biti pojedinačno zaduženi i odgovorni.

Provođenje ove aktivnosti podrazumijeva obavezu svakog člana GIK-a da nakon dostave prijedloga članova i zamjenika članova biračkih odbora od strane političkih subjekata organizuju unos podataka za biračke odbore za koje su zaduženi, a koji su potrebni za izradu Rješenja o imenovanju biračkih odbora, utvrde broj pozicija koje nisu popunjene, upoznaju ostale članove o tome te se angažuju za popuni istih. U saradnji sa koordinatorom za obuku članova biračkih odbora provede obuku biračkih odbora za koje je zadužen, da koordinira blagovremeno pozivanje članova biračkih odbora na obuku, osigura vođenje evidencije o prisustvu obuci i sravnjavanje iste radi ponovnog pozivanja, staranje da za termin obuke biračkih odbora koje obučavaju imaju na raspolaganju potrebne obrasce, probne glasačke listiće za praktični dio obuke, dovoljan broj testova za provjeru znanja i sve drugo što smatra potrebnim za edukaciju istih, sva komunikacija sa predsjednicima i članovima biračkih odbora za čiju obuku je zadužen u svim daljim segmentima izbornog procesa.

Član 8.

Članovi komisije kao nosioci obavljanja dodijeljenih aktivnosti su obavezni pratiti Zakonske i podzakonske propise koji regulišu aktivnost za čije su obavljanje zaduženi, pripremati prijedloge akata za sjednice komisije iz domena za koji su zaduženi i iste predlagati za dnevni red sjednice.

U obavljanju dodijeljenih aktivnosti članovi GIK-a su ovlašteni potpisivati akte koji su neophodni u provođenju njihove aktivnosti, a koji nisu doneseni na sjednici GIK-a.

Za realizaciju dodijeljenih aktivnosti članovima GIK-a stoje na raspolaganju tehnički sekretar GIK-a, lica za obavljanje operativno tehničkih poslova, koordinatora za IT poslove GIK-a, uposlenik centar za birački spisak, a po ukazanoj potrebi mogu predložiti angažman dodatnog osoblja.

Svi akti koji se budu donosili u okviru obavljanja dodijeljene aktivnosti potrebno je protokolirati kroz popis akata GIK-a koji je dodijeljen od strane pisarnice Jedinog organa državne službe Grada Lukavac, odložiti original akta u popisa, jedan primjerak osigurati za evidenciju o čemu će se starati tehnički sekretar komisije.

Član 8.

Nosioci organizacije izbornih aktivnosti su dužni na sjednicama GIK-a obavještavati ostale članove o toku aktivnosti za koje su zaduženi, eventualnim problemima u provođenju aktivnosti, pripremiti prijedlog akta koji je potrebno donijeti ili usvojiti te predlagati angažovanje osoblja za obavljanje stručnih i tehničkih poslova pri čemu je potrebno polaziti isključivo od kompetencija predloženih lica.


PREDSJEDNICA GIK-e
Izeta Bajrić dipl. pravnik
Izeta Bajrić

Dostavljeno:

1. Članovima GIK-a
2. Evidencija
3. Arhiva

